



11. Juni 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Eqqorpa kigutit narlorsarneqartarnerannik neqeroorutaasartog sinerissamilu atorpeqartog 2018-ip naajartornerani atorunnaarsinneqarsimasog?**
 - a. Taamaassimappat; Tamatumunnga suna patsisaava?**
 - b. Atorunnaarsinneqarnissaanut Naalakkersuisut ulloq suna aalajangiippat?**

- 2. Immikkut ilinniarsimasumik kigutit nakorsaannik kigutininik narlorsaanermik suliaqarsinnaasumut atorfik 2017-imiilli suli inuttassarsiuunneqarsimangitsoq eqqorpa, naak aningaasassaqartinneqaraluartog?**
 - a. Taamaassimappat; Tamanna sumik patsiseqarpa?**
 - b. Immikkut ilinniarsimasumik kigutit nakorsaannik kigutininik nalorsaanermik suliaqarsinnaasumik atorfeqartoqannginnerani suliassanngortut immikkoortiternerat kimit aalajangiiffiqineqartarpa?**

- 3. Kigutini, qanermi alleqqunilu nappaatinik allanik patsiseqartumik pilattaalluni suliarineqartussatut innersuunneqartut massakut ikilisinneqarnerat ilumoorpa, taamaasilluni kigutilerisut (tandlæget) pilattaanermik suliaqarnerat annertusilluni?**
 - a. Taamaassimappat; Pilattaalluni suliassat kigutilerisunut (tandlægenut) suliassanngortinneqartut annertuut pissutigalugit kigutilerisut (tandlæget) taamatut suliaqarnissaminnut ilinniarteqqinneqarsimappat?**
 - b. Kigutilerisut (tandlæget) qassit atorfinni aalajangersimasuni massakut sinerissami sulippat, taakkunanggalu qassit kigutininik narlorsaanermi pilattaanissamut ilinniaqqissimappat?**

- 4. Meeqqat inuusuttullu sinerissamiittut kigutimik narlorsarneqarnissaannut tamatumalu malitsigisaanik suliarineqarnissaminnut utaqqisut qassiuppat?**
- 5. Meeqqat inuusuttullu sinerissamiittut kigutimik narlorsaneqarnissaannik atorfissaqartitsisut kigutaarsinnissaq periarfissatuaraat?**
- 6. Kigutinik narlorsaasarnerup qitiusumik ingerlanneqalernissaanik Naalakkersuisut pilersaaruteqarpat?**
 - a. Taamaangippat; Tamanna sumik patsiseqarpa?**
- 7. Kigutigissaasarnerup peqqinnissaqarfiup aqutsisoqarfianiit peerneqarluni Naalakkersuisoqarfiup ataanut immikkut inissinnissaanut Naalakkersuisut pilersaaruteqarpat?**
 - a. Taamaassimangippat; Suna tamatumunnga patsisaava?**
- 8. §37_070/2020, apeqqut 3-mut akissummini Naalakkersuisut allapput nalunaarut atuuttoq imminermi kigutit narlorsarneqartarnissaannut pisinnaatitaaffimmik imaqqangitsoq.**
 - a. Namminersornerullutik Oqartussat nalunaarutaat nr. 15, 13. September 2006, §4, Imm. 4 naapertorlugu meeqqat suli atualinngitsut atuartuusullu kigutimik narlorsarneqarnissaannut pisinnaatitaaffeqangippata taava paragrafit pineqartut sunik pisinnaatitaaffinnik imaqqarpat?**

(Inatsisartunut Ilaasortaq Sofia Geisler, Inuit Ataqtigiit)

Tungavilersuut:

Kigutinik narlorsaasarnerup Nuummi aallarteqqinnissaanik Naalakkersuisooqatigiit aalajangernerat nuannaajallannarpoq. Qujanaqaaq nassuerutigineqarmat meeqqat kigutaasa narlorsarneqartarnerat sipaarniarfigissallugu isumassarsiatsialaangitsoq. Meeqqat meeraapput, kigutillu narlorsagassat apeqqutaatinneq ajorpaat sumi najugaqarneq angajoqqaalluunniit qanoq isertitaqarnerat. Taamaattumik Naalakkersuisooqatigiit kigutigissaasarneq pillugu nunarput tamaat isigalugu ataatsimoortumik pilersaarusiornissamut pisussaaffeqarput.

Inatsisartut Ataatsimiititaliaanni sulineq §37-illu aqqutigalugit kigutinik narlorsaasarnerup sipaarutigineqarnera apeqquserlugu allangortinniarlugulu Inuit Ataqtigiinniit suliniarsimavugut. Sipaarniarnikkut meeqqat kisimik eqqorneqangillat. Angajoqqaat aamma nalorninartumut inissinneqarput. Nunatsinni, pingaartumillu sinerissami, suliaritinnissamut meeqqat

periarfissaqanngippata ilisimavarput angajoqqaaqarmat allatut periarfissarsiortariaqalersorisunik, Danmarkimut nuunnissaq periarfissatuatut ilaannit isigineqarluni, meeqqat kigutaasa taamalu aamma meeqqat imminnut tatiginerisa innarlerneqannginnissaat anguniarlugu.

Ilaqutariit isertitaqarluartariaqarput meeqqat kigutaasa narlorsartinnissaannut angalanernullu akissaqassagunik. Allallu akissaatitigut malinnaanissamut periarfissagissaanngitsut allamik aqutissaqartanngillat meeqqamik kigutaat narlorsagassaagaluit kigutaarsinnermik malitseqartiinnartariaqartassallugit, meeqqat siunissaannut annertuumik sunniuteqanngitsoornaviannngitsumik.

Kissaatigivara apeqqutikka ullut suliffiusut qulit qaangiutinnginneranni akineqarnissaat.